



[← უკან](#)

[«წინა შედეგები»](#)

კერძო საჩივარი			
საქმის ნომერი	ას-41-2020	კატეგორია	მემკვიდრეობითი სამართლებრივი დავა
თარიღი	09/10/2020	სახეობა	სამკვიდროს მიღება და უარი მის მიღებაზე
შედეგი	დატოვებულია უცვლელად	დავის საგანი	გადაწყვეტილების განმარტება

გადაწყვეტილება/განჩინება

საქმე №ას-41-2020

9 ოქტომბერი, 2020 წელი

თბილისი

სამოქალაქო საქმეთა პალატა

ვლადიმერ კაკაბაძე (თავმჯდომარე, მომხსენებელი),

მოსამართლეები: ლევან მიქაბერიძე

მირანდა ერემაძე

საქმის განხილვის ფორმა - ზეპირი განხილვის გარეშე

კერძო საჩივრის ავტორი - შ.ბ-ა (მოპასუხე)

მოწინააღმდეგე მხარე - დ.ბ-ა (მოსარჩელე)

გასაჩივრებული განჩინება - ქუთაისის სააპელაციო სასამართლოს სამოქალაქო საქმეთა პალატის 2019 წლის 10 დეკემბრის განჩინება

კერძო საჩივრის ავტორის მოთხოვნა - გასაჩივრებული განჩინების გაუქმება

დავის საგანი - სააპელაციო საჩივრის დასაშვებად ცნობა

აღწერილობითი ნაწილი

1. ჩხოროწყუს რაიონული სასამართლოს 2008 წლის 14 თებერვლის გადაწყვეტილებით დ.ბ-ას (შემდგომში „მოსარჩელე“) სარჩელი შ.ბ-ას (შემდგომში „მოპასუხე“ ან „კერძო საჩივრის ავტორი“) მიმართ უძრავი ქონების მესაკუთრედ ცნობისა და მოპასუხის ქონებიდან გამოსახლების შესახებ ნაწილობრივ დაკმაყოფილდა: მოსარჩელე ცნობილ იქნა დაბა ჩხოროწყუში, მდებარე უძრავ-მოდრავი ქონების მესაკუთრედ, სასარჩელო მოთხოვნა მოპასუხის საცხოვრებელი სახლიდან გამოსახლების თაობაზე არ დაკმაყოფილდა. მოპასუხეს დროებით სარგებლობაში გადაეცა დაბა ჩხოროწყუში, მდებარე კაპიტალური ორსართულიანი სახლის პირველი სართული. მოპასუხის შეგებებული სარჩელი მოსარჩელის უღირს მემკვიდრედ ცნობის თაობაზე არ დაკმაყოფილდა. რაიონული სასამართლოს 2008 წლის 14 თებერვლის გადაწყვეტილება სააპელაციო წესით გაასაჩივრა მოპასუხემ.

2. ქუთაისის სააპელაციო სასამართლოს 2009 წლის 30 ივნისის გადაწყვეტილებით სააპელაციო საჩივარი ნაწილობრივ დაკმაყოფილდა: გაუქმდა ჩხოროწყუს რაიონული სასამართლოს 2008 წლის 14 თებერვლის გადაწყვეტილება უძრავ-მოდრავი ქონების მესაკუთრედ მოსარჩელის ცნობისა და დაბა ჩხოროწყუში, მდებარე კაპიტალური ორსართულიანი სახლის პირველი სართულის მოპასუხისთვის დროებით სარგებლობაში გადაცემის ნაწილში და ამ ნაწილში მიღებულ იქნა ახალი გადაწყვეტილება. სასარჩელო მოთხოვნა დაბა ჩხოროწყუში, მდებარე უძრავ-მოდრავი ქონების მესაკუთრედ ცნობის თაობაზე არ დაკმაყოფილდა. დანარჩენ ნაწილში გადაწყვეტილება დარჩა უცვლელად.

3. ქუთაისის სააპელაციო სასამართლოს სამოქალაქო საქმეთა პალატის 2009 წლის 30 ივნისის

გადაწყვეტილებაზე საკასაციო საჩივარი წარადგინა მოსარჩელემ, მისი გაუქმება და იმავე სასამართლოს სხვა შემადგენლობისთვის საქმის ხელახლა განსახილველად დაბრუნება მოითხოვა.

4. საქართველოს უზენაესი სასამართლოს სამოქალაქო საქმეთა პალატის 2010 წლის 25 მარტის განჩინებით საკასაციო საჩივარი დაკმაყოფილდა. გაუქმდა ქუთაისის სააპელაციო სასამართლოს 2009 წლის 30 ივნისის გადაწყვეტილება და საქმე ხელახლა განსახილველად იმავე სასამართლოს სხვა შემადგენლობას დაუბრუნდა.

5. ქუთაისის სააპელაციო სასამართლოს სამოქალაქო საქმეთა პალატის 2010 წლის 5 ივლისის გადაწყვეტილებით მოპასუხის სააპელაციო საჩივარი დაკმაყოფილდა ნაწილობრივ; გაუქმდა ჩხოროწყუს რაიონული სასამართლოს 2008 წლის 14 თებერვლის გადაწყვეტილება მოსარჩელის მამის რ.ბ-ას დანაშთი უძრავ-მოძრავი ქონების (მდებარე, დაბა ჩხოროწყუ,) მესაკუთრედ მოსარჩელის ცნობისა და ამავე საცხოვრებელი სახლის პირველი სართულის დროებით სარგებლობაში მოპასუხისთვის გადაცემის ნაწილში და ამ ნაწილში მიღებულ იქნა ახალი გადაწყვეტილება; სარჩელი დაკმაყოფილდა ნაწილობრივ; მოსარჩელე ცნობილ იქნა მისი მამის, რ.ბ-ას სახელზე რიცხული დაბა ჩხოროწყუში მდებარე სასოფლო-სამეურნეო დანიშნულების მიწის ნაკვეთის მესაკუთრედ და ამავე მისამართზე მდებარე საცხოვრებელი 1/2 ნაწილის მესაკუთრედ.

6. 2019 წლის 20 სექტემბერს ქუთაისის სააპელაციო სასამართლოს განცხადებით მიმართა მოპასუხის წარმომადგენელმა და ამავე სასამართლოს 2010 წლის 5 ივლისის გადაწყვეტილების სარეზოლუციო ნაწილის განმარტება მოითხოვა იმგვარად, რომ გადაწყვეტილების სარეზოლუციო ნაწილის მე-5 პუნქტში ნაცვლად წინადადებისა: „დ.ბ-ა ცნობილ იქნას დაბა ჩხოროწყუში, მდებარე საცხოვრებელი სახლის 1/2 ნაწილის მესაკუთრედ“, მიეთითოს შემდეგი : „შ.ბ-ა ცნობილ იქნას დაბა ჩხოროწყუში, მდებარე საცხოვრებელი სახლის 1/2 ნაწილის მესაკუთრედ“.

7. ქუთაისის სააპელაციო სასამართლოს სამოქალაქო საქმეთა პალატის 2019 წლის 10 დეკემბრის განჩინებით განცხადება არ დაკმაყოფილდა.

8. სააპელაციო სასამართლომ იხელმძღვანელა სამოქალაქო საპროცესო კოდექსის 260-ე, 262-ე მუხლებით, ასევე სამოქალაქო საპროცესო კოდექსის 248-ე მუხლით და განმარტა, რომ გადაწყვეტილებაში დაშვებული უსწორობის გასწორების საფუძველი წარმოიშობა მაშინ, როცა ასეთი უსწორობა დაშვებულია თავად სასამართლოს მიერ და აღნიშნული უტყუარად დადასტურდება საქმეში წარმოდგენილი მასალებით. მოცემულ შემთხვევაში, მართალია, ქუთაისის სააპელაციო სასამართლოს 2010 წლის 5 ივლისის გადაწყვეტილების მე-5 პუნქტში მითითებულია, რომ „დ.ბ-ა ცნობილი იქნეს დაბა ჩხოროწყუში, ქ. № 32-ში მდებარე საცხოვრებელი სახლის 1/2 ნაწილის მესაკუთრედ“, თუმცა შ.ბ-ასთვის, საცხოვრებელი სახლის (მდებარე დაბა ჩხოროწყუ, ქ. #32-ში) 1/2 ნაწილის მესაკუთრედ ცნობის თაობაზე გადაწყვეტილების სარეზოლუციო ნაწილში ვერ მიეთითებოდა იმის გამო, რომ შ.ბ-ას აღნიშნული სახის მოთხოვნა საქმის განხილვის არცერთ ეტაპზე არ დაუყენებია. მისი პრეტენზია შემოიფარგლებოდა შეგებულ სარჩელში მითითებული მოთხოვნით მოსარჩელის უდიდეს მემკვიდრედ ცნობის შესახებ. ამდენად, სააპელაციო პალატამ დაასკვნა, რომ განმცხადებლის მოთხოვნა სცილდებოდა სამოქალაქო საპროცესო კოდექსის 260-ე მუხლის დანაწესის ფარგლებს და არ ექვემდებარებოდა დაკმაყოფილებას.

9. სააპელაციო სასამართლოს განჩინებაზე კერძო საჩივარი წარადგინა მოპასუხემ გასაჩივრებული განჩინების გაუქმების მოთხოვნით. კერძო საჩივრის ავტორის მოსაზრებით, სააპელაციო სასამართლომ მას არასწორად უთხრა უარი 2010 წლის 5 ივლისის გადაწყვეტილების სარეზოლუციო ნაწილის განმარტებაზე. მითითებული გადაწყვეტილების არა მხოლოდ სარეზოლუციო, არამედ სამოტივაციო ნაწილიდანაც ჩანს, რომ მოპასუხეს ეკუთვნის სადავო ქონების 1/2 ნაწილი (მას მოსარჩელესთან ერთად თანაბარი წილის უფლება გააჩნია ამ ქონებაზე). შესაბამისად, უსაფუძვლოა სასამართლოს მითითება, რომ მსგავსი შინაარსის მოთხოვნა მოპასუხეს სასამართლოს წინაშე არ დაუყენებია.

ს ა მ ო ტ ი ვ ა ც ი ო ნ ა წ ი ლ ი

10. საკასაციო სასამართლო კერძო საჩივრის საფუძვლების ანალიზის, საქმის მასალების შესწავლისა და გასაჩივრებული განჩინების იურიდიული დასაბუთების შემოწმების შედეგად მიიჩნევს, რომ კერძო საჩივარი არ უნდა დაკმაყოფილდეს შემდეგ გარემოებათა გამო:

16. კერძო საჩივრის დასაბუთებულობასთან დაკავშირებით საკასაციო სასამართლო პირველ რიგში, ყურადღებას მიაქცევს საქმის მასალებით დადგენილ იმ უზნისშეწოდებაზე გარემოებას, რომ განსაზღვრადაც აკადემიური პერიოდის განმავლობაში არსებული უპასუხისმგებლობა

საქმის განხილვისას გადაწყვეტილებაზე დაყრდნობით გამოყენებული საბუღალტრო დოკუმენტები (იხ. საბუღალტრო უწყვეტი სასამართლოს სამოქალაქო საქმეთა პალატის 2010 წლის 18 ოქტომბრის განჩინება, ტ. 1. ს.ფ 390-391) და მოსარჩელის მოთხოვნის საფუძველზე, მასზე გაცემულია სააღსრულებო ფურცელი (იხ. ტ. 1. ს.ფ 425-431).

17. საკასაციო პალატა ასევე მიუთითებს 2011 წლის 27 ოქტომბრის ამონაწერზე საჯარო რეესტრის ეროვნული სააგენტოდან, რომლითაც დასტურდება, რომ მოსარჩელე დ.ბ-ა რეგისტრირებულია დაბა ჩხოროწყუში, ქ. #32-ში მდებარე მიწის ნაკვეთისა და ამავე მისამართზე მდებარე საცხოვრებელი სახლის 1/2 ნაწილის მესაკუთრედ. ხოლო რეგისტრაციის საფუძველად სწორედ ქუთაისის სააპელაციო სასამართლოს სამოქალაქო საქმეთა პალატის 2010 წლის 5 ივლისის გადაწყვეტილებამ მიითითებული (იხ. ბმული <https://bs.napr.gov.ge/GetBlob?pid=101&bid=boVlyOwlsX3qmYsntmLmFKF0utZzTVnF0lrOh98Kqr25QHnT6U3XmLtjaibqZwC>).

18. ამრიგად, საკასაციო სასამართლო დადასტურებულად მიიჩნევს, რომ მოპასუხის მიერ მოთხოვნილია კანონიერ ძალაში შესული და უკვე აღსრულებული გადაწყვეტილების განმარტება, რაც, პალატის მოსაზრებით, ცალსახად ეწინააღმდეგება გადაწყვეტილების განმარტების საპროცესო კანონმდებლობით განსაზღვრულ მიზანს - გადაწყვეტილების აღსრულების ხელშეწყობას (სსსკ 262.1 მუხლი).

19. ყოველივე ზემოაღნიშნულიდან გამომდინარე, საკასაციო პალატა ასკვნის, რომ ვინაიდან გადაწყვეტილების განმარტების დანიშნულებაა (მიზანია) აღსრულების ხელშეწყობა და არა უკვე აღსრულებული გადაწყვეტილების აღსრულების პროცესში დაშვებული შეცდომის გამოსწორება (რაც სხვა სამართლებრივი საშუალების გამოყენებით უნდა მოხდეს), არ არსებობს მიითითებული განცხადების დაკმაყოფილების ფაქტობრივ-სამართლებრივი საფუძველი.

20. ამასთან, დადასტურებულია და არც კერძო საჩივრის ავტორი ხდის სადავოდ იმ გარემოებას, რომ მას სააპელაციო სასამართლოს სამოქალაქო საქმეთა პალატის 2010 წლის 5 ივლისის განმარტების მოთხოვნით სასამართლოსთვის გადაწყვეტილების აღსრულებამდე არ მიუმართავს.

21. ამრიგად, საკასაციო სასამართლო მიიჩნევს, რომ წარმოდგენილი კერძო საჩივარი უსაფუძვლოა და არ უნდა დაკმაყოფილდეს.

სარეზოლუციო ნაწილი:

საკასაციო სასამართლომ იხელმძღვანელა სამოქალაქო საპროცესო კოდექსის 419-ე, 420-ე მუხლებით და

დაადგინა:

1. შ.ბ-ას კერძო საჩივარი არ დაკმაყოფილდეს;
2. ქუთაისის სააპელაციო სასამართლოს სამოქალაქო საქმეთა პალატის 2019 წლის 10 დეკემბრის განჩინება დარჩეს უცვლელი;
3. განჩინება საბოლოოა და არ საჩივრდება.

თავმჯდომარე:

ვლადიმერ კაკაბაძე

მოსამართლეები:

ლევან მიქაბერიძე

მირანდა ერემაძე

<<უკან

>>წინა შემდეგი>



